

節烈

元

錢珍妻顧氏諱淑清元季張氏之亂游兵剽掠舉家
逃難時珍先妻邵遺一子名友安顧生子名虎俱
在襁褓欲負與俱力不能勝乃謂夫曰胤子不可
失當棄吾兒乃棄虎於張家灣抱友安入江陰城
七日兵退而歸鄉里咸稱其賢方之魯義姑云
吳中人物志

明

海虞別乘

節烈

二十

三十七文烈婦傳烈婦常熟人不知其家何在亦不
知其姓氏與其夫之姓氏弘治辛亥大水田禾不
收壬子春大疫死者枕籍自五月雨歷六月七月
至八月初或多至盈尺而少亦未嘗不滿三四寸
積水既深而海潮橫溢衝激膝岸田與河港相連
小家水浸半壁居無室食無米爨燎無薪鬻犬鬻
貓犬鬻貓鬻其居前後所有竹樹鬻其墓數十年
雜植松柏又毀其居室得竹木拆為薪以鬻之鬻且
盡無可鬻者遂割愛鬻其子女米價日增不易得

錢無可從貸借入市求乞市中人本少覓利少僅自給殘羹冷飯不易得求乞者滿路閉門堅不容入求乞又不易得飢火燒腸時作雷鳴四肢無力舉足甚重行數步隨坐地強起復行隨亦坐地日漸羸弱強起不得僵卧以死好子女隨父母求乞人願收留不取一文父母得一飽即去不再顧在孩抱者多棄水中死烈婦與其夫僅留殘喘夫嘗與烈婦謀曰死期將至無路可尋生門吾北過河踰淮以身傭人聊可自活汝苟累我我且不能

海虞別乘

節烈

三

活豈能活汝吾求可以活汝者以汝付之使活汝以度荒年異時或再相見烈婦不納夫言夫言之不置烈婦佯許諾之忽一日行遇貨糖男子於道夫招男子問有室否男子曰無有也又問男子曰覓利得幾文男子曰或時可得十來文夫私語烈婦曰日得十文糶穀磨粉二升可以活二人吾以汝付之烈婦又佯許諾夫指烈婦語男子曰吾妻以与若為若妻若与我三百文男子曰自活且不與豈能活人三百文亦從何來掉頭去不顧夫追

男子使還。語男子曰。吾給若。不必若三百文。若與我一飽。以吾妻與若。為若妻。男子信其為然。傾其囊。得三十七文。與之。使之自求一飽。夫與烈婦抱頭相泣而別。烈婦隨男子行。未數十步。過小橋。大聲呼其夫。夫回頭。烈婦傾身入水矣。貨糖男子驚惕駭汗。夫疾走救之。見烈婦浮屍水面。併三十七文棄水中。亦赴水求死。貨糖男子力救止之。幾絕。乃蘇。竟亦不能救。收烈婦屍而去。予聞林應良道其事。求其姓氏不可得。因其死以三十七文。遂目

海虞別乘

節烈

三

之為三十七文烈婦。而為之立傳云。君子曰。婦不二夫。臣不二君。萬古此綱常。所以維持世道者也。世降俗末。膏粱闊閥之家。素嫻家教之女。則固有夫肉未寒而已。為他人婦者。覩面不知愧恥。人亦不以為怪。若三十七文烈婦。生長田間。未聞禮義之教。而迫之飢寒困窮。流離顛沛。至死不二。何其見之真如此哉。使其身為丈夫。必能以身殉國。與龍逢比干為徒。甘心降虜。略無顧忌。或恃位固寵。視君位為傳舍。不置欣戚於其間。若五代馮道者。

讀三十七文烈婦傳其不流汗浹背者幾希水部錢仁夫撰
金訥女孝細母包氏姪五月而訥卒卒五月而生女
故名孝細後母包忽與蔣姓者目成竟委身焉女
嘆曰十七年冰霜一朝墮地從母是從賊也從父
夜臺不失金氏女遂衣麻雉經父總帳下纔十七
齡耳或夢女曰吾訴上帝罰及他匹蔣亦見女形
知不免矣竟卒有郡人龔某向拂水巖真武乞嗣
宿錦峰下夢縞衣女通姓氏曰神賜汝兒豫報汝
龔果得雄歲過虞謁真武輒酌孝女墓私志

海虞別乘

節烈

三

常熟人張有定言其鄉貧人陸姓者以吹籥為生其
妻田家女也陸久病不痊親友無一人敢闖其門
者乃歸父母家求升斗之粟而還其夫則已死矣
哭之甚哀乃具羹飯祭之遂自經死於夫屍之旁

紀善錄

二烈傳二烈者如皋盧氏與其女也並以烈死常熟
白茆鄧黻已入邑志武進唐順之為祠記顧二烈
事甚秘歲久始發二公俱失烈婦之夫姓氏而叙
事亦稍失寔萬曆丁未余館白茆有父老目其事

者為余言曰。烈婦夫李祐。如皋閭師也。歲祲避役。餬口四方。家蒼頭故虞產。遂來虞。居金涇。酒洽其鄰。而不及周進貴。貴銜之。海豪張島。怙寵李兵憲。為耆民。橫海上。而貴即其義兒。貴覘祐妻艷。曝衣庭中。多紉綺。說島曰。里有客盜自如皋來者。多藏且。婦女艷。島喜。与爪牙周洋謀。統眾捕之。籍其家。家人志就縛。至白茆。洋別室掠治。冤號聲徹天。錮烈婦母女於洋之外寢。令洋諷曰。而夫生死懸吾堂手。而順吾堂。力能生之。否則旦暮死獄耳。而母

海虞別乘

節烈

五

女安逃。烈婦泣。私与女計曰。父烈士。詎以我姿。賈禍。我孱婦。安得能抗羣兇。莫若蚤自裁。以謝而父。父亦釋矣。女然之。盧於是如廁。過庖。竊庖刀。還錮所。入夜守者睡。命女自刃。喉聲若鋸。驚守者。盧給曰。斲睡聲耳。頃亦自刃。體戰震地。守者躍起。燭之。兩屍枕血中。潛報島。洋秘不令祐知。亟昇二骼。雜松香黃椒。焚叢篁中。仍械祐過婁。解兵憲。兵憲以無贖弗受。島洋計曰。燼其妻女。而縱之。此自遺禍。何如并沉之江。以杜禍萌。遂繫投之江。而蒼頭得逸。

去。後烈婦之父老儒渡江訪女。無從踪跡。痛哭而去。嗚呼。灰二烈於倒懸。李祐之時。祐雖生而無從覺其故。沈李祐於糜爛。二烈之後。人共憤而莫發其奸。久之。島懸馬伽民於金涇橋。毒笞之。馬願捐生報萬戶怨。條島諸不法事。走京口。籲直指陳蕙。而失二烈事。陳陽拒而陰詢之。具得寔符。馬所條下車。即命有司縛島。陳曰。擢汝髮。不足數汝罪。盍自服。時若有促島者。首服謀二烈事。陳駭曰。天遣自暴也。遂正島以法。追二女遺骨。將別封樹。弗獲。

海虞別乘

節烈

二十五

而發難之。周進貴已先疫死。周洋獨漏網。三年洋復橫。民有發前事於孟令顏者。令曰。吾秀才時即聞如皋二烈欲食奸肉而寢其皮。不虞餘黨猶未殲也。立置之法。先是御史聞之。世廟詔有司立二烈祠。春秋以少牢祀。而馮令汝弼挽以詩。有身逐魚腹。網常在。節顯烏臺。日月懸之句。至今傳誦云。論曰。人言死非難。處死難。其然乎。剛腸之男。一臨難。不勝繞指柔。詎能蹈白刃而不恨。然則一死亦難矣。當二烈就刃時。計窮無聊。義堅不辱。從容慷

慨以一死冀保其夫若父而卒也祐亦不免痛哉
其與呂纂死而妻還伏劍王廣殺而女甘刎頸自
決於夫與父之後者更烈矣嗟乎一門雙烈妻道
克兼母道貞女且為孝女垂諸彤史俎豆萬年詎
徒風勵幣帷真足愧世之鬚眉而偷生害仁者
先

趙文毅公撰張烈婦傳烈婦張氏者邑之興福里人
張汝東女也年二十三始以歸朱一鴻一鴻家故
貧然行落魄遇事多餒悻不任治生產時從村

海虞別乘

節烈

三六

中授章句徒歲所館穀得數斛不給晨夕烈婦日
或具一粥又不供則僅取畦菜及少麥屑糝食之
每獨居闔戶工紡絡迨夜分乃寢一鴻歸相對怡
暢无一詈語也久之徙福山益困不支謀復徙而
一鴻故有姊嫁為諸生宗家相妻宗生哀其窮為
授廩一楹移其居邑西塘頭鎮更為一鴻延館他
弟子室烈婦日所佐食者獨藉絮布然家不能具
杼軸鄰媪竊憫之時為貸機織烈婦獨以織故踰
相耳而里中惡少年宗周者間自織所窺烈婦容

娟雅絕類。數以目挑背自謬言。彼朱生有妻若是。耶。今周有妻若是者。當不令其困苦至此也。冀以感動烈婦。烈婦聞大慚。亟移杵就西嫗織。周復從西嫗窺。如故。烈婦乃齟舌矢之。不復就織鄰嫗矣。居數日。周意不解。時為游閒偵。烈婦出。然烈婦竟不出。周意益不自得。朱所居窮巷。四壁徒編。崔周從夜竊。門下楗抵烈婦室。烈婦尚篝燈。緝未卧。微聞戶樞聲。起繞屋行。已又崔壁四動。覺有異。則樞衣躍呼鄰。卧者皆寤。亦驚呼。周迸去。明日眾相慰。

海虞別乘

節烈

二十七

幸警盜無恙。又明日。周怒毆其傭。殷佩佩頗洩其語。眾知事出。周周計婦獨身。易持迺。無奈隣者之相呵也。輒裹少金。啗其鄰兒。華多李滿。期旦日日暮。為我闢朱家門。俟我而更操豚蹄。危酒相勞。諸鄰者。諸鄰者。乃素畏周。又幸飲食我。率相顧服。曰。惟少年所意指。不敢動。既夜漏四鼓。周獨挾刃入榻下。烈婦方卧。周逕持擁。甚力。烈婦宛轉號叫。至頭搶地。觸瓶壘。盡碎。髮被面。聲嗷。徹天。周更錯愕。不能犯。而隣者復起。窺伏從旁。囁嚅。周竟棄去。

先是微知賊時烈婦恨且欲死一鴻為投牒訴縣官會未逮至是益恨泣而呼天誓自殺以滅恥衆方嚴衛不得有頃烈婦少假寐術者意急方食時盡散烈婦乃起積薪床下擇衣稍鮮者置薪上更徹所籍藁鞋覆著身其上復聚薪蒙茸已乃從簣下舉火自焚火烈毛髮焦灼肩背無餘肉煙勃鬱四出隣人大驚搶攘入室郅氏遽以手撲火得烈婦即舉以出火着肌上猶騰々耳頃之烈婦少甦一鴻方從縣歸則張目謂曰我何遽受辱如此

海虞別乘

節烈

三

不死無以白吾志若幸無喘息我令我受諸痛也朱不忍為舛致婦兄張挺家強輔以醫藥牢拒卒不飲又十六日竟死死之明日今太學士嚴翁首往拜致賻而丞胡公割其俸數金率里胥為紀櫬斂志如禮胡公曰烈婦之死難也身幸不汗可影響自解而相勸以勿死者甚或唾之矣乃烈婦竟慷慨捐一旦之命此其志可以生死榮辱者變易哉曷有暢而徵其事者乎然度之無逾子者不佞承胡公言退復從宗生覈事本末并著以所聞如此

烈婦死年三十三歲。萬曆二年六月二十四日也。史用賢曰：余始往質宗生，宗生於周為叔也。念振暴則傷周，掩關則湮婦也。兩存難矣，則走筮之神。其繇曰：莫清真，假神將福汝。宗生蓋瞿然自失云。豈節烈之人，鬼神類有以重之耶？余讀邑乘，蓋大類二烈事。然程難易則引慝，激於痛夫，入火瘠於刺刃，故曰烈婦之死尤難也。

朱烈婦氏徐名二細，吳郡之常熟人，配為朱姓，以死殉。朱故稱朱烈婦，父林業農，小民也。烈婦生而婉。

海虞別乘 節烈

三

嫵明淑，幼有慧性，雖未嘗讀書，通大義。然於古今節烈之事，津津慕之，刺繡女紅，非其好也。年未笄，許字同邑朱境，境幼冲，形質短小，有異疾，人咸謂婦芳姿艷冶，宜奉巾櫛於士之豪者，奈何厥配若此，是植蘭於礫而委珠於淖也。婦慨然曰：人之遇不遇，亦命耳。女德誠良，即疾痲庸，非夫者，吾豈有他志焉。居無何，里有何文炯，富於財，欲以重賞購妾，心艷二細之美。適朱境有兄朱楫，為之煽動，冀事成。府利婦聞而貞志愈堅，百折不回，有以死殉。

夫之語。父彬慮有他變。遂促境入贅。境年甫十四。病而駭駭。未能諧琴瑟之好。楫意未已。逼勒引誘者萬狀。計卒中格。遂以他事誣婦。父白之巡官。率伍伯羣往擒之。舉家惶恐。走避。父就械。婦不獲脫。嬖心知所以釀禍者。以有生耳。生而浪。不若死而烈。人誰不死。死而振倫常。維名義。何憾乎。從容給伍伯。謂且理裝就嫁。伍伯姑縱之歸。歸而闔戶自縊矣。哀感行路。無不雪涕者。時正在三伏炎爍中。死逾月。而顏色猶生。誰謂非天道哉。

海虞別乘

節烈

三

陳欽明妻華氏。無錫華鴻臚復誠女。嘉靖甲子。欽明以秋試弗利。憤懣卒。華年二十五。絕武。僅彌月。而翁文周方官嶺南。華獨孱然一息。秉家鑰。撫藐孤。翁歸。雅好客。擊鮮刺肥。無不咄嗟立辦。及翁歿。而內外忌者。蜩起。視陳為几上肉。華割田園。厭其欲去。繩武舉。萬曆甲午。鄉薦。始畀家政。而專心佛教。年九卒。萬曆三十四年。旌其門。